

621.1238  
078  
174

卷二十八封域志十  
仰墓 卷二十九封  
域志十一紀事上

# 永平府志

永平府卷二十八

封域志十

邱墓

商

孤竹長君墓在府城西北雙子山

孤竹少君墓在府城西北馬鞭山

漢

公孫冢在府城外赤烽嶺俗傳公孫瓚墓

明

王侍郎珣墓在府城東南蓮花源勅葬

案盧龍縣志源作池

李布政充濁墓在府城北門外三里莊

卷二十一  
廖御史自顯墓在府城南五里

韓御史應庚墓在府城西南二十里釣臺之北

朱知府鑑墓在府城北八里寨

韓僉事原善墓在府城西七十里九百戶堡西北

陳太僕王庭墓在府城東北三里

盧都督天福墓在府城東北三里

崔隱士赴闈墓在府城西北崔家莊

郭興國公墓在府城東二里

茹少卿墓在府城南六里

薛兵備墓在府城東三里大坡下

李少卿墓在府城北五里臺

蕭評事墓在府城東一里

王兵備墓在府城南四里

趙御史墓在府城東三里

康千戶侯洪祖墓在府城南二里

賜進士第行人司行人奉勅冊封官布告安南使賜  
極品服盧龍張廷綱撰康侯墓誌銘云案康氏祖名  
成係鳳陽宿州之在城胄智勇過人明初應募扶太  
祖掃除海內所向有功洪武八年調永平衛右前所  
其子甯永樂中隨太宗靖內難櫛風沐雨躬冒矢石  
累官至武德將軍永平衛左前所世襲正千戶再傳  
至侯洪普於惠愛勤於政事獲上治下藉有聲光因  
襲祖蔭不忘水源木本之思述其祖考以來之行實  
請銘勒石昭告來世銘曰康白鳳陽遷永平飛龍早  
際功業成纓組相繼何光榮箕裘克紹皆賢英中有

克家子崢嶸韜略既習文事精拳拳水原本本情殷  
勤索我求碣銘要令奕世知先行我作銘章表諸塋  
後來考此爲牆  
羹宏治十一年

### 國朝

孟忠毅喬芳墓在府城東十里紅坡

勅葬

墓朱竹垞神道碑云

葬京西蔡公莊東紅坡所葬乃其祖廷勳父國用弟  
喬榮及其夫人卜氏之墓也舊志載竹垞神道碑今  
仍附於此并補錄王  
阮亭所作以備參考

新城王士正孟公神道碑銘云公孟氏諱喬芳別字  
心亭其先徐州人始祖某明洪武閒從燕王就國靖  
難立戰功世襲官永平衛遂爲永平人九傳至國用  
厯甯夏總兵官生公少倜儻任俠不屑經生章句入  
鄉塾輒侮其師夜取父廢馬渡河匿杜氏遂之京師  
鳴弓擊劍門雞走馬諸勳戚小侯爭邀致之歸永平  
發陰符伏讀暇卽出城南射獵發必洞札歲庚午  
太宗文皇帝兵入關公杖策謁軍門  
太

宗奇之引置左右不期年擢刑部承政兼梅勒章京  
管牛录事屢從太宗征伐大凌河錦州松杏

甯遠皆著戰功順治元年甲申

世祖章皇帝

義師入關定李自成之亂公帷幄中籌策居多自成  
戰敗竄歸關中公率師追之由燕南下河北三郡踰  
太行出河東所至簞食壺漿以迎王師遂入關直抵  
長安九月關中平就拜兵部右侍郎兼都察院右副  
都御史總督陝西三邊軍務駐西安亡何賊渠賀珍  
數萬衆圍西安公遣諸將陳德軍西門任珍軍北門  
往來馳突賊退追北至永壽賀珍遁去是時張獻忠  
尙據蜀二年冬十月遣總兵官范蘇等討之伏兵荊  
溪茅溝子鏖戰白水青川屢破之斬獲無算以反間  
計殺賊帥况益禽劉心虎遂收龍安先是武大定作  
亂固原狀殺甯夏巡撫餘孽未殲三年五月公至固  
原遣任珍討白天壽等禽斬之授計總兵官劉芳名  
禽甯夏賊王元焦浴遣陳德討鎮原賊姬蛟王總管  
降之固原西北平十一月遣任珍陳德馬甯討賀珍  
劉二虎於興安十二月任珍討胡向宸於蕎麥山四  
年正月斬向宸於板橋四月任珍斬孫守法於藥箭  
寨十一月禽米國珍於漫營山寨興安悉平八月遣

補艾馬甯討馬德於亂麻川追至河兒平斬之九月  
遣張勇劉友元禽賀洪器於安家川攻李明義堡寨  
克之禽明義環慶賊平時秦賊據險負固者實繁有  
徒公授策陳德王平等招青觜寨賊折自明三十六  
寨賊渠王希榮轆轤寨賊高一祥皆降之斬天峰寨  
賊張貴五年夏四月河西獮米喇印丁國棟作亂甘  
涼皆爲賊有渡河而東連破蘭岷臨洮據之薄鞏昌  
關輔大震 朝議發禁旅援勦公密奏止之而請身  
任其事自統大軍駐秦州遣馬甯救鞏昌會趙光瑞  
軍大戰於廣武坡逐北七十里斬首三千級遂解鞏  
昌之圍賊據臨洮岷州內官營以數萬計公分大軍  
三路以進遣張勇陳萬略取臨洮馬甯劉友元取內  
官營趙光瑞佟透取岷洮河三州勇敗賊於馬韓山  
斬首七百級光瑞敗賊於梅川禽丁光射斬首二千  
級甯直搗內官營破之斬首八百級岷洮河三州皆  
復閏四月公自鞏昌至蘭州勇甯光瑞皆會師蘭州  
城下攻拔之別遣光瑞追丁嘉陞於舊洮州戰於野  
狐橋嘉陞遁去土番土目馬你完卜襲斬之復舊洮  
州五月張三耀斬米喇印於古城窰傳首軍前七月  
公至涼州八月至甘州賊攖城固守公夜命將士設

伏自然炬坐帳中招幕僚高會行炙痛飲彈琵琶醉  
歌不輟矢落帳前如雨左右皆錯愕公談笑自如不  
爲動頃之伏兵四起鼙鼓震天賊已面縛獻帳下矣  
遂遣張勇乘夜襲之而身與提督滿兵昂邦章京傅  
夸蟾及馬甯齊陞趙光瑞諸將繼之賊食盡乞降已  
而復叛六年正月親督攻甘州勇甯光瑞賈勇先登  
拔之逐北至北山斬首八千級是時丁國棟奔肅州  
立土倫太爲王子哈密纏頭畏兀紅帽哈喇五種番  
人爲都督火者而自爲總兵官據城固守時出掠武  
威張掖酒泉地會大同姜瓖反其黨虞印韓昭宣等  
眾號三十萬攻陷蒲州公旋師河上而留馬甯張勇  
齊陞等圍肅州十一月諸將克肅州巷戰十日斬首  
五千級土倫太國棟及其黨黑二哈只等皆伏誅傳  
首三邊河西悉平八月公自潼關渡河諸將根太趙  
光瑞復蒲州斬首七千級遂進兵臨晉猗氏斬賊元  
帥白璋禽監軍道衛登方復平陽諸郡縣虞印韓昭  
宣等走據運城九月諸將狄應魁趙光瑞沈應時根  
太杜米等政拔之斬虞印韓昭宣平陽寇悉平七年  
三月世祖章皇帝嘉公勲勞進兵部尙書照  
舊管事八年六月遣諸將馬甯等討劉宏才於北山

大戰於保安禽其軍師苗惠民再戰於合水縣禽宏才以歸延慶餘賊悉平十年九月趙光瑞討孫守金於紫陽洞山禽之公在秦十年凡撫賊脅從一十七萬六千有奇公豁達大度推赤心置人腹中有所愛駿馬諸將或徑取以去詰之對曰欲得此馬爲公殺賊耳公捧腹大笑遂賜之其他寶刀良鎧之屬諸將目屬輒以賜之有功者輒力獎拔不限資格起偏裨至大將或爵通侯者如張勇馬甯趙光瑞任珍陳德狄應魁劉友元沈應時趙良棟輩皆是也諸寇旣殄於是疏豁陝西荒糧以甦民累靖盜源又上屯田奏曰秦省自明季寇變以來荒田最多虧正賦不貲深山大谷虎狼所窟地方多事議裁兵則不可惟有屯田之一法旣可足食亦可強兵而弭盜安民亦在乎是矣上可其奏以白土麟等五人分屯延慶平固及西安鳳翔諸郡兵屯歲收糧米二萬六千有奇民屯歲收糧米一萬六千有奇省協餉無算又條奏省兵略曰秦省七鎮及督撫各標官兵計九萬八千有奇合滿洲四旗及平西王固山額眞兵每歲共需餉銀三百五十九萬餘兩而秦賦熟糧并錢息僅一百八十六萬有奇缺額者一百七十餘萬年復一年後

將難繼近日逆賊叛孽以次削平各鎮之兵實有可  
省甘肅遠在天末興安界連三省應照舊額餘如延  
綏甯夏固原臨鞏四鎮標下宜各留兵三千分中左  
右三營領之所餘之兵固鎮撥五百人隸慶陽協守  
餘五千五百人可省也漢羌駐平西王固山大兵應  
裁去總兵官設城守副將統兵一千人隸興鎮餘兵  
撥防黑水峪漢陰縣各五百人餘二千五百人可省  
也漢兵提督四千人駐省會宜留二千協同滿兵征  
剿餘二千人可省也各道標兵盡易屯兵免其起科  
延鎮定邊神木等處無屯兵者止用守兵計所省又  
二千餘人約共省兵一萬二千有奇歲可省餉三十  
一萬兩有奇皆報可又疏陳蜀地戰守之計曰蜀接  
壤秦楚自唐宋以來在所必取今獻賊蹂躪之餘所  
在焚掠人民死徙大兵采入恆苦轉運之艱且水泉  
多毒飲之則人馬皆病是以兩經撻伐未克底績今  
大兵撤至保甯殺賊殆盡斷當以保甯爲駐兵之地  
以四川右路總兵官馬甯統馬兵精銳三千駐之以  
爲漢中藩籬以步兵五千分駐保甯迤北廣元昭化  
之間爲屯種久遠之計令平西王駐漢中相爲犄角  
戰可制勝守可固圉兵食有賴不苦運輸流亡來歸

漸可生聚從此規取全蜀易易也以本地之糧養本地之兵兵心既固民情亦安舉動罔不利矣或狃一時之見撤兵漢中則保甯咽喉之地必爲賊有東而紫陽西鄉西而階州文縣中而甯羌陽平之閒凡諸險要賊得與我共之三秦且無甯日矣臣故決以保甯爲駐兵之地不可輕移尺寸棄以資賊其固山額真之兵當暫撤以紓秦民轉餉之勞皆見施行九年入覲京師賜內殿御馬二詔從馳道出以寵異之加太子太保還西安十年命總督陝西三邊四川等處軍務累疏乞休慰留不允冬十二月以病乞骸骨始允之加少保馳驛回京而公已薨於位年六十訃聞上震悼命內大臣酌酒匱前諭祭三壇賜以碑文加贈太保賜諡忠毅公狀貌偉碩腰腹十圍望見者驚爲神人諸將憚其威嚴而樂其坦易性不甚讀書每令人誦文書於側坦腹聽之鼾睡如雷偶誤一字輒驚寤曰誤矣人以爲神奇公生於萬曆乙未二月初五日申時卒於順治十一年甲午正月初一日子時階光祿大夫宮總督陝西三邊四川等處軍務兼理糧餉少保兼太子太保兵部尙書兼都察院右副都御史世襲三等阿思哈尼哈番祖

考廷勳考國用皆贈光祿大夫如其官祖妣王氏姬  
馬氏杜氏皆贈一品夫人配卜氏艾氏皆贈一品夫  
人子三人熊臣汀州府知府熊飛浙江道監察御史  
熊弼襲父職三等阿思哈尼哈番孫九人纘祖康熙  
丙辰進士大理寺右評事繼祖絃祖繹祖綿祖繚祖  
緝祖維祖四哥銘曰粵定鼎初巨寇西僨維司馬公  
威棱遐震電激兩河颺馳三晉遂指嶠函雍涼埽汎  
天子曰咨汝維坐鎮蠡爾遺孽豕啼螳奮有銍末  
膏有鼓末釁公撫其徠乃戕厥愠先勝後戰神機獨  
運告成三載底綏入郡凡公之績成於善任桓桓武  
臣以威以信發縱指示所嚮斯隣天篤眷公展厥底  
蘊秦川旣甯河西復熈酒泉報傾金城告祿天水傳  
烽咸陽偏近談笑禦之指揮而燼雲中逆命狂如飲  
鴆睽睽跳跟河東爲甚返旆渡河叛臣是問摧其藩  
籬斷其鞬勒賊勢分崩獲醜執訊疆圉旣奠遠敷棠  
蔭撫此瘡痍育以暘潤方略亟上請奏不靳省兵擇  
吏屯開農訓擊鼓歛幽以樂田畷露積崇墉車輸充  
牝流穴四歸荒殘丕振秦地無虞川師繼進井絡重  
開鯨鯢膏刃天造草昧公功爲雋於赫孟公功高益  
慎帝曰吁來駟駿入覲何以錫之天閑神駿詔

行馳道光賁中禁保障秦蜀才唯汝僅欽哉汝往勿  
辭勞疾公乞骸骨申命重巽鞠躬盡瘁卒歸以櫬丈  
人貞吉行險而順雲雷方屯經綸奮迅帥秦十載袞  
衣金印八水同流二華比峻風虎雲龍會逢堯舜神  
爲列星生符瑞識像列雲臺恩  
施祚亂刻示豐碑以永令聞

秀水朱彝尊孟公神道碑銘云太保孟忠毅公薨歸  
葬於京西蔡公莊之東歲在庚午其子熊弼請予撰  
碑立石於神道於是公薨三十有七年矣公之德善  
功烈記諸史冊無俟碑銘後顯乃予讀公奏疏竊恐  
史氏未載其詳而訐謏偉略不盡傳於天下不可以  
不銘也公諱喬芳字心亭永平人誥授光祿大夫總  
督陝西三邊四川軍務少保兼太子太保兵部尙書  
兼都察院右副都御史世襲阿思哈尼哈番加贈太  
保諡忠毅其先世某徐州人以靖難立功世襲東勝  
衛指揮同知祖某考某皆贈如公官祖妣張氏劉氏  
王氏妣馬氏馮氏杜氏皆贈一品夫人公幼負大志  
不羈偉岸善騎射能以一矢墮雙雁  
皇帝兵入關公杖策謁軍門  
語奇之引置左右官刑部承政兼梅勒章京管牛豕

太宗壯其貌與

太宗文

事使定律例從征大凌河錦州松山甯遠朝鮮屢著  
戰功順治元年李自成自山海關戰敗西遁

世祖章皇帝定鼎燕京命公帥師追之由畿南下河  
北踰太行定汾潞拔太原遂渡河入關下延安略定  
慶陽平涼所至秋毫無犯

世祖嘉其績命以

兵部右侍郎兼都察院右副都御史總督三邊軍務  
當是時自成棄關中走張獻忠尙據蜀民情未定妖  
賊胡守龍自號聖公稱元清光謀爲變叛寇賀珍連  
兵十萬攻西安李鵠子陷同州武大定踞固原孫守  
法嘯聚興安劉二虎出沒漢中胡向宸負固黑水峪  
關以西羣盜塞路馬德賀宏器李明義米國珍折自  
明諸賊叛服不常各擁衆數萬爲害公廣招徠布恩  
信散奸黨峙糗糧簡將帥分道出奇掩擊梟守龍於  
市追珍及於永壽蹴之漢中擊走二虎大定誅向宸  
於板橋南山斬守法於藥箭砦戮德於河兒平降自  
明於青薺砦擒宏器於安家川俘明義縛國珍前後  
百餘戰斬馘無算降者十七萬餘人又陝西多獠種  
河西尤甚五年夏四月羣獠煽惑米喇印丁國棟聚  
衆反陷甘肅破涼州莊浪蘭岷臨洮所至響應關中  
大震而鞏昌猓攻城未克公疾馳救援賊敗走乘勝

遣張勇復臨洮馬甯由上路趨內官營破之趙光瑞  
由南路至梅川賊迎敵奔潰而梅川去岷州五里左  
山右河道險隘賊據守堅甚光瑞誘之出戰大破之  
遂復岷州張勇由中路一敗之宮堡再敗之馬韓山  
三敗之二崖洞於是喇印國棟合兵守蘭州公督滿  
漢精銳徑薄蘭州俾協勦戶部侍郎額色暨張勇爲  
前鋒賊出大戰良久公令勇襲破其城賊大敗焚浮  
橋遁而王印久馬甯亦破賊金縣會兵蘭州時朝  
議大出師會勦公上奏曰叛獍爲徒雖繁然烏合易  
散臣已大破之臨鞏城堡盡復其伎已窮進取河西  
甘鎮計曰可復且秦民力已竭大兵復臨供應難復  
支又西甯祁廷諫李天俞莊浪魯典皆未肯爲賊下  
今廷諫子興周赴臣軍已令其糾各族協捕乘破竹  
之勢鼓行而西必能奏績若曠延時日以俟大軍不  
惟坐糜糧芻且使賊得合餘燼自備而廷諫等亦懈  
失機長寇非計也朝廷乃止遂將兵渡河遊擊張  
三耀斬喇印於古城窰逐北至甘州時夜已深公曰  
賊必出襲我乃設伏以待而張燈彈琵琶酣飲歌聲  
徹柵外賊果出遇伏悉擒之遂圍城月餘平之丁國  
棟竄肅州立土倫太爲王哈密纏頭畏兀紅帽哈喇

五番附之據城固守而山西大同降將姜瓖反遠近震懾其黨虞印韓昭宣陷平陽號二十八萬此六年

秋七月也

世祖遣兵進攻大同命公引兵赴

援公留馬甯圍肅馳赴潼關賊兵拒河守公佯置巨艦於上流伐鼓揚旗作欲渡狀而夜率師從下流徑渡急擊之賊勢披靡戰且走四十餘里比明抵蒲州賊出城迎敵公督將士力戰殺賊七十餘人賊棄城遁遣將復臨晉榮河猗氏解州共斬首二萬有奇乃合兵圍運城城破賊黨殲焉遂定平陽而馬甯以十一月破肅州殺土倫太國棟就擒河西亦平七年進兵部尙書八年定河南何柴山之亂又擒延慶巨盜劉宏才於是全陝盜賊叛逆俱盡陝西自羅寇禍戶口消耗荆棘彌望乃荒田之糧盡責之未亡之戶百姓苦之公力陳其害請蠲久之始聽蠲其絕戶而有主荒田仍自七年起徵公復奏曰所云有王者皆貧氓耳傭作餬口以延旦夕欲其開墾納賦斷不能也且未有六年不能墾七年卽能者若欲藉此爲兵餉責有司追呼煢煢子遺力不能支必至相率逃徙誠恐有主之田轉爲無主將來餉缺愈多矣時有司考成急催科公又請以戶之增減田之荒闕爲殿最使

知愛養撫綏其惓惓民瘼如此先是二年公至秦卽以奇兵入龍安爲圖張獻忠取蜀之計後朝廷以重兵屯漢中秦民轉輸艱苦九年取成都卽請屯田而廷議退兵漢中乃力請駐保甯爲漢中藩籬屯田廣元昭化閒戰可制勝守可固圉兵食有賴不苦轉輸則規取全蜀無難從之於是秦運始扞而蜀地以次就平旣又上書曰秦省自明季寇變以來田畝荒蕪今雖屢詔開墾而雁戶未集耕耨無人餉仰給於大農非久遠計也惟屯田可足食強兵而弭盜安民亦於是乎在上嘉納之因舉白土麟郭之培領其事而以高應選等八人分理於是兵屯民屯並興歲得穀數萬斛十年復蕩平紫陽孫守金自此民漸復業而關中宴然矣公爲人精敏沈毅善料敵諸將稟方略輒致勝又知人善用爽豁無嫌猜人人樂爲之效死其章疏皆剴切條貫千里外如面陳故有請必從當蜀未定上言曰四川一日未復臣心一日未安世祖喜曰若封疆大臣盡皆如此朕復何慮蓋君臣交孚若是是以所向奏功初公累疏入朝優詔不允九年復請許之陛見慰勞備至賜內殿馬二命從馳道出以寵異之賜帽韉弓刀加太子太